


Princess Amalia Basisschool ta informa



ORANJESTAD- Diaranson atardi Prinses Amalia Basisschool a tene su prome “voorlees avond” esaki tabata en conexion cu Siman di buki pa mucha, cu e aña aki tin como tema deporte y wegá. Pa e ocasion aki a invita personanan conoci den e mundo di deporte, pero tambe di enseñansa pa lesa pa e muchanan. E atardi a habri cu un palabra di bon bini dor di e cabesante juffrouw Mireya sigui pa un baile presenta pa e propio alumnonan deportista di e scol. E baile tabata riba ritmo di e tema principal di Siman di buki di



e aña aki esta “klaar voor de start”. Tambe a menciona e siguiente proyecto di scol cu ta: “Doneer een boek aktie”, e proyecto aki lo cuminsa otro siman.

Como sorpresa scol a ricibi un mensahe for Hulanda di nos 7 bes campeón mundial di windsurfing Sarah-Quita Offringa.

Den e mensahe Sarah Quita Offringa a bisa na e muchanan e importancia di lesa y e como mucha y ainda hunto cu su deporte, semper ta lesa hopi. Prome cu a bay over na e lesamento a duna un splicacion di con e lesamento mes lo tuma luga. Tabata tin ocho klas cu wordo uza pa lesa den cada klas, mientras un invitado a lesa pa mey ora of pa dos biaha mey ora. E muchanan y nan mayornan por a scoge e invitado di gusto.

Como invitadonan tabata tin su excelencia Minister di Enseñansa, sra. Michelle Hooyboer-Winklaar, tambe tabata tin maestra di scol y actualmente laborando na biblioteca nacional, Sra. Astrid Gietel, maestro den taekwondo y alabes miembro di Salon di Fama, Sr. Alberto



Klaber, scol su propio maestro, Juffrouw Leilani de Cuba, atleta activo riba varios area di deporte specialmente race walking. Sr. Fernando de Graf, scol su propio maestra y atleta juffrouw Sonia Raghunath-Sue, ex futbolista profesional y actual trainer di Estrella, Sr. David Abdoel, secretario di consejo di ministro, miembro ehecutivo di IOC y secretaria general di COA, Sra Nicole Hoevertsz. Na final tur alumno a haya un “boekenlegger” como recuerdo.

E tabata un experiencia hopi unico pa e muchanan pasobra nan a scucha varios persona conoci lesa pa nan y tambe nan tabata mag di bin bisti den nan pidjama pa

asina e por tabata placentero. Kier recorda un y tur cu diasabra awor 9 di November lo tin e grandioso caminata di Prinses Amalia.

E caminata ta programa pa cuminsa 5or di atardi, mientras ya for di 4or por cuminsa registra.

E recorido lo ta uno di 5km y e costo lo ta 5 florin pa persona.

Na final lo tin algun bon premio. Pues reserva e diasabra atardi aki pa den compania di bo famia, amigo y conoci bin pasa un atardi ameno y contribui na un bon causa. □

